



Zur Publikation im Amtsblatt Mittelbünden (Pagina, Pöstli und Novitats) vom Donnerstag, 21. Juli 2016, bzw. Freitag, 22. Juli 2016

Publicazun uffiziala digl cumegn Albula/Alvra

ALBULA/ALVRA

www.albula-alvra.ch

Infurmaziuns dalla suprastanza communal digl cumegn Albula/Alvra:

Matg / zarcladour 2016

- La suprastanza communal è examinò e lubia diversas dumondas da biagier.
- Revisiun totala dalla planisaziun locala digl cumegn Albula/Alvra
La suprastanza communal è eligia la grupp accumpagnonta, risguardond igls differents sectours d'interess. Dalla grupp accumpagnonta fon part Roman Platz ed Agnes Simeon, Alvagni-vischnanca, Georgin Bonifazi e Philipp Liesch, Brienz/Brinzauls, Susanne Augustin, Mon, Roman Brenn e Nicolin Sonder, Stierva, Giorgio Bossi e Bruno Brazerol, Surava scu er Benno Bossi e Werner Tiefenthal, Casti.
- An connex cun la fusiun communal è igl cantun Grischun decidia tranter oter, da conceder ena pauschala speziala an import da 370'000.– fr. per la regulaziun nova dalla scola rumantscha, an spezial per igl transport. Per igl onn da scola 2015/2016 (ConSORZI da scola Val Alvra dafora), è la suprastanza approvo ena contribuziun ve digls costs da transport an import da 40'000.– fr. or da chella pauschala speziala.
- La suprastanza communal è examinò la lescha digls deis da pôss e delibero tala per mangs dalla radunanza communal.
- La suprastanza communal è decidia da cumprar la software „GEVER – administraziun da gestiun e documaints“.
- Sen dumonda è la suprastanza communal delibero en import unic da 20'000.– fr. per la realisaziun digl campinadi mundial da velos da muntogna 2018 a Lai ed ena garanzeia da deficit da 10'000.– fr.
- An connex cun la fundaziun planisada dalla Reit Albula SA, è la suprastanza communal examinò minuztgousamaintg ed approvo igls documaints da fundaziun, consistentes digl contract d'obligaziun d'acziunaris e digls statuts, scu er digl reglamaint d'organisaziun e digl

messadi. La participaziun alla Reit Albula SA vign sottamessa per l'approvaziun a votantas e votants a caschung dalla proxima radunanza communal.

- An connex cun la sanaziun dalla Voia Cumpogna a Casti, etappa 2, è neidas surdadas las lavours d'impressari e da cuvreida.
- La suprastanza communal è decidida d'exequir la sanaziun dalla Voia Pintga a Brienz/Brinzauls. Siva dall'execuziun dallas lavours preparatoricas vign la decisiun d'introducziun decideida e publitgeida uffizialmaintg.
- Sen dumonda dalla Regiun Albula, è la suprastanza concedia ena contribuziun (part digls costs da planisaziun) da 5'352.00 fr per igl project „Landwasser-viadukt – Wahrzeichen Graubünden“.
- La suprastanza communal è approvo igl rendachint annual 2015 ed igl preventiv 2016 dalla Serenera Casti.
- Igl rendachint annual 2015 ed igl rendachint final per la cunsegliaziun da mammas, babs e la tgira d'unfants Albula–Churwalda–Tavo è nias approvos. Per igl 1. da schaner 2016 è l'Uniun per la cunsegliaziun da mammas, babs e la tgira d'unfants Albula–Churwalda–Tavo neida surpigleida dall'autorità per la protecziun digl infant e da carschias APUC/KESB.
- Las tractandas per la proxima radunanza communal digls 17 da zarclaodur 2016 è neidas fixadas ed approvadas.
- La suprastanza communal è approvo igl project „Mantignamaint resp. cumplettaziun dall'equipaziun digl gôt“ ad Alvaschagn ed igl project „Sanaziun dalla Voia Viglia digl Bogn“. Igl projects an detagl vignan elaboros e preschentos per l'approvaziun a taimp inditgia alla radunanza communal.
- La suprastanza communal è approvo e delibero igl preventiv 2016 digl Consorzi da scola Belfort davains, digl Consorzi da scola Val Alvra dafora e digl Consorzi da scola scalem ot Val Alvra.
- Igl reports annuals digl spital da Tusang e dalla Center da Sanadad Savognin SA è nias piglias per cunaschiantscha.

Infurmaziuns davart dalla radunanza communal digls 17 da zarcladour 2016

- La radunanza communal è approvo la lescha davart igl adiever dalla reit e dalla furniziun d'energeia electrica cun 57 EA, ed 1 abstenziun.
- La lescha digls lungatgs uffizials digl cumegn e la lescha da promoziun digl lungatg rumantsch digl cumegn Albula/Alvra è neidas approvadas cun gronda maiorità.

- La lescha digls deis da pôss digl cumegn Albula/Alvra, tgi prevei danov igls suandonts deis da pôss locals, è mademamaintg neida approvada cun gronda pluralità. Per deis da pôss locals valan:
 - 15 d'avost – Nossadonna d'avost (Assumpziun da Maria);
 - 01. da november – Numnasontga.

La suprastanza